

## **South Sotho - Moya Ntwa Mangolo - SW Intro Scriptures**

**Luka 17:5 Baapostola ba re ho Morena: Totisa tumelo ya rona.**

**BaRoma 10:17 Tumelo e fela e tla ka ho utlwa, mme kutlo e tla ka polelo ya Modimo.**

**Luka 11:1 Mohlomong, ha Jesu a le bakeng se seng, a rapela; eitse hobane a qete thapelo ya hae, e mong wa barutuwa ba hae, a re ho yena: Morena, re rute ho rapela, jwalokaha Johanne le yena a rutile barutuwa ba hae.**

**1 Timothea 2:1-4 Jwale, kgothatso ya ka ya sehlooho, ke re: Diqelo, le merapelo, le dithapello, le diteboho, di etsetswe batho bohole, 2 le marena, le bohole ba boholong, hore re tle re iphelele kgotsong le boiketlong ka borapedi bohole le ka bokgabane. 3 Hobane hoo ke ho molemo, ho kgahlehang ho Modimo, Mmoloki wa rona, 4 o ratang hoba batho bohole ba bolokehe, mme ba fihle tsebong ya nnene.**

**Sakaria 3:1,2 Yaba Jehova o mpontsha Joshua, moprista e moholo, a eme pela lengeloi la Jehova, mme Satane a eme ka letsohong la hae le letona, ho mo hanelo. 2 Jehova a re ho Satane: Jehova a ke a o kgalemele, Satane! Jehova ya ikgethetseng Jerusalema a o kgalemele! Enwa na hase lefatsa le ntshitsweng mollong?**

**BaEfese 6:12 Hobane ntwa ya rona ha e Iwane le nama le madi, empa e Iwana le baholo, le mebuso, le marena a lefifi la lefatshe lena, le meya e bolotsana e sebakeng sa lehodimo.**

**BaEfese 6:10,11 Qetellong, banabeso, tiyang Moreneng le matleng a hae a sa sitweng ke letho. 11 Aparang dihlomo tsohle tsa Modimo, le tle le tsebe ho hlola dihlomo tsohle tsa Diabolose.**

**BaEfese 6:13-17 Ka baka leo, nkang dihlomo tsohle tsa Modimo, le tle le tsebe ho tiya ka tsatsi le lebe, le ho ema le setse le hlotse tsohle. 14 Tiyang ke hona, le ntse le itlamile matheka ka senyepa sa nnene, mme le apere tshireletso ya sefuba, e leng ho loka. 15 Maotong a lona, le rwale mafolofolo a Evangeli ya kgotso. 16 Kahodima tseo tsohle le tshware thebe ya tumelo eo ka yona le ka tsebang ho tima metsu yohle e tukang ya molotsana. 17 Rwalang heleme ya poloko, mme le tshware lerumo la Moya, e leng lentswe la Modimo.**

**BaHeberu 4:12 Hobane Lentswe la Modimo ke lentswe le phelang, le matla, mme le fetisa ka bohale disabole tsohle tse leoditsweng ka nqa tse pedi; mme le a hlaba, le ye ho kena le dikgaohanong tsa pelo le tsa moyo, le manonyellong le mokong; mme le ahlola maikutlo le mehopolo ya pelo.**

**Luka 4:8 Jesu a mo araba a re: Tloha ho nna, Satane, hobane ho ngodilwe,**

**ho thwe. O tla kgumamela Morena, Modimo wa hao, o sebeletse yena feela.**

**BaEfese 6:18 Le rapele ka Moya kamehla, ka merapelo yohle, le fadimehele teng ka tiisetso yohle, mme le rapelle bahalaledi bohle.**

**1 Samuele 17:45-47 Davida a re ho Mofilesta: O tlie ho nna ka sabole le ka lerumo le ka tsenene; nna, ke tla ho wena ka lebitso la Jehova wa makgotla, Modimo wa makgotla a Israele, eo o mo nyedisitseng. 46 Kajeno, Jehova o tla o neela matsohong a ka; ke tla o bolaya, ke o pome hlooho, ke nee kajeno lena dinonyana tsa lehodimo le dibatana tsa naah ditopo tsa makgotla a Bafilesta, mme lefatshe lohle le tla tseba hobane Modimo o teng Israaeleng. 47 Le bongata bona bohle bo tla tseba hobane Jehova ha a namolele ka sabole leha e le ka lerumo, hobane tlholo ke ya Jehova, mme o tla le neela matsohong a rona.**

**Luka 10:17-20 Ba mashome a supileng ba kgutla ba thabile, ba re: Morena, re hlotse le bona batemona ka lebitso la hao. 18 A re ho bona: Ke ne ke tadima Satane a ewa lehodimong jwaloka lehadima. 19 Bonang, ke le neile matla a ho hata dinoha, le diphepheng, le matla wohle a sera; mme ha ho letho le tla le etsa hampe. 20 Leha ho le jwalo, le se ke la thaba kahobane le hlola meya, haholo le thabe kahobane mabitso a lona a ngodilwe mahodimong.**

**2 BaKorinthe 10:3-5 Hobane leha re tsamaya re le nameng, ha re Iwane ka nama; 4 hobane dibetsa tsa ntwa ya rona hase tsa nama, empa di le matla ka Modimo ho diha diqhobosheane. 5 Re diha ka tsona merero le diphahamo tsohle tse phahamelang ho Iwantsha tsebo ya Modimo, mme re hapa mehopolo yohle, e tle e utlwe Kreste.**

**Mattheu 16:19 Ke tla o nea dinotlolo tsa mmuso wa mahodimo: hohle hoo o tla ho tlama lefatsheng ho tla tlangwa mahodimong, le hohle hoo o tla ho lokolla lefatsheng ho tla lokollwa mahodimong.**

**2 Timothea 1:7 Hobane Modimo ha o a ka wa re nea moyo o boi, empa e le wa matla, le wa lerato, le wa kelello.**

**Mattheu 12:28,29 Empa ekare ha ke leleka batemona ka Moya wa Modimo, le tsebe hoba mmuso wa Modimo o le fihetse ruri. 29 Kapa motho a ka kena jwang tlung ya senatla, ho phahla mesebetsi ya sona, ha a sa ka a tlama senatla seo pele, ebe moo a phahlang ntlo ya sona?**

**BaEfese 1:13 Ke yena eo le lona le leng ho yena, lona ba utlwileng lentswe la nnete e leng Evangelia pholohya lona; eo hape, ha le se le dumetse ho yena, le tshwailweng ke Moya o Halalelang, o baletseng batho;**

**Diketso 19:6 Yare ha Pauluse a ba beile matsoho, Moya o Halalelang wa tla hodima bona, ba bua dipuo, mme ba porofeta.**

**Mareka 16:15-18 A ba a re ho bona: Eyang ka lefatsheng lohle, le bolelle**

**babopuwa bohole Evangeli. 16 Ya dumelang, mme a kolobetswa, o tla bolokeha; empa ya sa dumeleng, o tla tsuwa. 17 Mehlolo e tla tsamaya le ba dumetseng ke yona ena: ba tla leleka batemona ka lebitso la ka; ba tla bua dipuo tse ntjha; 18 ba tla tshwara dinoha, mme leha ba nwele ntho e ka ba bolayang, ha e ka ke ya ba etsa letho; ba tla bea matsoho hodima ba kulang, mme ba tla fola.**

**1 Johanne 1:9 Ha re ipolela dibe tsa rona, Modimo o a tshepeha, o lokile, hore o re tshwarele dibe, mme o re hlatswe bokgopo bohole.**

**Eksoda 20:5 O se ke wa di kgumamela, o se ke wa di sebeletsa: hobane nna Jehova, Modimo wa hao, ke Modimo o boulelang, o otlang bana ka bokgopo ba batswadi ba bona ho isa molokong wa boraro le wa bone wa ba ntlhoyang;**

**Dipesaleme 109:17 O ratile thohako; a e ke e mo wele hodimo! Ha a ka a thabela ho hlohonolofatsa, lehlohonolo a le ke le be hole le yena!**

**Baahlodi 16:16 Yare ha a ntse a mo tshwenya ka dipolelo tsa hae ka matsatsi wohle, a ntse a mo hlodiya, pelo ya Samsone ya kgathala le ho isa lefung.**

**BaEfese 4:26 Ekare ha le halefa, le se ke la etsa sebe; letsatsi le se ke la phirimela bohole ba Iona;**

**BaRoma 14:12 Ka mokgwa o jwalo, motho ka mong ho rona o tla ikarabela ho Modimo bakeng sa tsa hae.**

**1 Johanne 2:23 E mong le e mong ya latolang Mora ha a bile ha a na le yena Ntate; empa ya bolelang Mora, o bile o na le yena le Ntate.**

**Johanne 14:6 Jesu a re ho yena: Ke nna tsela, le nnete, le bophelo; ha ho motho ya ka tlang ho Ntate, haese ka nna.**

**Mattheu 11:28-30 Tloong ho nna, Iona bohole ba kgathetseng, ba imelwang, mme ke tla le imolla! 29 Inkeleng joko ya ka, mme le ithute ho nna; hobane ke mosa le pelo e nolo, mme le tla fumanela meya ya Iona phomolo. 30 Hobane joko ya ka e tjhatxi, le phahlo ya ka ha e na boima.**

**2 BaKorinthe 6:2 Hobane o itse: Ke o utlwile nakong e tshwanelang, mme ke o thusitse ka letsatsi la pholoho. Bonang, jwale ke nako e tshwanelang; bonang, jwale ke letsatsi la pholoho.**

**BaRoma 10:13 Hobane mang le mang ya rapelang lebitso la Morena, o tla bolokeha.**